

Vangz Siuhginz: Hawj Aendomq Cingsih Daengx Seiogyaiq Okmingz

黄肖琴：让靖西绣球享誉全球

□ Ouhyangz Yajvwnz raiz Dahdingz hoiz

Mwngz rox lwi? Aendomq hung-hung coux Gangj Au dauqma, aendomq hung bi 2008 Baekging Auyinvei daengj, cungj dwg daj fwngz bouxlaux Cingsih ndeu okdaeuj. bouxlaux neix heuhguh Vangz Siuhginz, bineix ndaej 73 bi, dwg bouxswncienz aendomq, bouxswncienz dandog aendomq doisiuq Cingsih, de miz aen cwnghueh ndeu heuhguh “mehfwngzmbaeu Cunghvaz”.

Bi 2006 ndwen 8, Vangz Siuhginz ndaej Aen Hezvei Canghheiq Ndawbiengz Guengsae bingzbaenz itgaep canghheiq ndawbiengz. Bi 2007 ndwen 6 ngoenz 3, youq gwnz aen hoih ancoh “bouxswncienz maenh’ak vwnzva ndawbiengz Cungguk” Aen Hezvei Canghheiq Ndawbiengz Cungguk banh haenx, Vangz Siuhginz ndaej aen cwnghueh “bouxswncienz maenh’ak vwnzva ndawbiengz Cungguk”, baenz vunz Boux-cuengh buek daih’it aeundaen aen cwnghueh mingzdaeuz “bouxswncienz maenh’ak vwnzva ndawbiengz Cungguk” loih siuqva Boux-cuengh.

8 bi caeg hag guh aendomq

“Mwh lij iq gou yawj bouxwnq guh aendomq, couh gag hag guh lo.” Vangz Siuhginz naeuz, bouxsai mehmbwk vunzgeq lwnyeuz ndaw haw Giucouh cungj rox siuqva, de hix dwg doenggvaq caeg yawj bouxwnq siuq guh aendomq, leuxcih bonjfaenh couh menhmenh gag hag rox.

“Mwhhaenx mbouj hawj guh aendomq, byawz guh aendomq couh yaek deng naeuz dwg ‘vunzeu’, ndigah bouxsai mehmbwk coz siuq guh aendomq dinghcingz cungj dwg laeglemx guh.” Youq mwh caengz bienqbaenz gij huqgai gaxgonq, aendomq dwg gij doxgaiq cienzcingz bouxsai mehmbwk dangdieg, gyoengq lwgsau ndaw haw Giucouh youq seiz ndaejhoengq couh siuq guh. Ndae 8 bi mwhhaenx, Vangz Siuhginz yawj-raen aendomq dahcej ranzden, ndawsim gig maij, ndigah couh hainduj ciuq yiengh hag guh. Yungj gij vah Vangz Siuhginz daeuj gangj couhwdw mbouj yungj vunz son bonjfaenh hix gag naenj ok baenzlawz guh ndaej, yawj ndaej ok Vangz Siuhginz gig miz dungxcaiz guh aendomq.

Doeklaeng, fungheiq gwnzbiengz menhmenh bienq ndei, Vangz Siuhginz caeuq gyoengq doengzdoh seiz ndaejhoengq ganggoj cungj haengi aeu aendomq okdaeuj siuq. Miz baez ndeu, Vangz Siuhginz daiq aendomq bae Baksak youz, miz vunz yawjraen le couh siengj caeuq de cawx aeu. Ndigah, Vangz Siuhginz yawjraen gij seizgei seng’eiq. Dauqma ranz le, de couh hainduj hai ok diuzroen cauhyuh caeuq siugai aendomq lo. Gyaawnj ndaw mbanj miz vunz hainduj bang vunzmbanj siugai aendomq, Vangz Siuhginz baengh dinfwngz gyaqciq caeuq dungxcaiz ak gvaq vunz



▲ Vangz Siuhginz(gvaz) cinga son vunz siuq aendomq.

bonjfaenh, hainduj siugai aendomq ranz bonjfaenh, daj seizhaenx hainduj aendomq byaijhwj le diuzroen bienq-baenz huqgai.

Aeu doisiuq siuq hwnj aendomq bae

Doisiuq dwg gij fuengfap siuqva conzdungj, dwg aeu mae daeuj san baenz diuz sai lai saek ndeu gonq, liuxle aeu diuzsai lai saek san baenz gij dozanq lizdij, miz gyaciz yisuz gig sang. Doeklaeng aeu gij dozanq neix siuq hwnj aendomq bae, hawj de miz gij yauqoj lizdij lumj fouzdeu nei, gij domq baenzneix gangj ndaej hwnj dwg gij domq cei q ndei ndaw aendomq.

Gizsaed, doisiuq cungj dinfwngz neix caeux couh youq dieg Boux-cuengh riuzcienz lo, hoeng gig noix miz vunz guh ndaej ndei, Vangz Siuhginz suenq dwg aeu faenh hongcied neix fatok daengz cei q ndei lo. Mwh gicej cam daengz dinfwngz doisiuq, de mbouj dap vah, cix dwg byaij haeuj ndaw ranz, daj ndaw ranz dawz ok gaiq buenqcingzbinj gaiqsiuq daej nding sei q gak ndeu, caemhcai q naeuz: “Mwngz yawj, neix couhwdw doisiuq.”

Vangz Siuhginz naeuz, doisiuq ndaej yungj haeuj haujai cozbinj siuqva ndawde bae, hawj vunz yawj le simhai, ndigah gig ndaej vunz maij. De dinfwngz lingzleih sim lingziuj baez doengh, couh siengjdaengz aeu cungj doisiuq lizdij neix siuq hwnj aendomq bae, ndigah couh miz aendomq doisiuq lo. Ndae aeu doisiuq engqgya lizdij gayhaeuj aendomq bae, Vangz Siuhginz rox-nyinh miznaj dangqmaz.

Hawj daengx seiogyaiq roxnaj aendomq Cingsih

Miz saw raiz naeuz, gij lizsij aendomq fwngzguh Hawgiucouh Sinhcing Cin Cingsih Si daj Sungdai hainduj. Ndaw haw ca mbouj gejlai ranzranz cungj rox siuq guh aendomq. Hoeng aendomq Cingsih caencingq byaijok Cingsih, bienqbaenz gij dox-gaiq gitleih vwnzva ndaw guk rog guk cungj mizmingz, cix dwg gij saehcingz gaenh ngeihcib lai bi neix.

Youq neix ndawde, Vangz Siuhginz dangguh bouxswncienz aendomq Cingsih goenglauz gig hung.

Bi 2005, Vangz Siuhginz ndaej iucingj bae Baekging guh hozdung langhbaij aendomq, caemhcai q dang-ciengz siuq guh aendomq. Youq ndaw aen hozdung hunghoengh canghheiq ndawbiengz daengx guk romcaez neix, aendomq Vangz Siuhginz yinx ndaej haujai vunz cimyawj

“Gij vunz byaij gvaqdaeuj yawj haenx cungj cam, neix dwg gijmaz? Guh gijmaz yungj?” Vangz Siuhginz naeuz, yawjraen daihgya cungj gig maij, de mbouj lau mazfan baez youh baez doi q bouxcam gejgangj: “Neix dwg aendomq Cingsih Guengjsae, ciuhgeq lwgsai lwgmbwk yungj daeuj dinghcingz, seizneix ndaej yungj daeuj doxsoengq, daiqbiuj gitleih hab’ei q.” Yawjraen aendomq ndei yawj gyaqciq, haujai vunz cungj doxciengj cawx, lienz cujveijvei hix daihfueng cawx aeu gij domq Vangz Siuhginz siuq guh haenx liux. Gienh saeh neix hawj Vangz Siuhginz saenqsim gig hung, hix hawj haujai vunz roxyiuj aendomq cungj dinfwngz neix.

Gvaqlaeng, gij dan dingh’aeu aendomq daengx guk gak dieg daeuj mbouj dingz mbouj duenh.

Gizsaed caeux youq bi 2003, couh miz vunz gukrog doenggvaq gunghsw haw cincuzgouj roxyiuj gij domq Vangz Siuhginz lo, lij sikhaek hai dan dinghcawx, ciemdingh moix bi dinghcawx geijcib fanh maenz. Vihliux hab’wngq gij aeyungh hawciengz rog guk, Vangz Siuhginz caeuq canghseng’ei q gukrog doxyaeng le, aeu gij geiqhauh caeuq dozanq daiqbiuj 12 aen ndwen gukgya saefueng haenx siuq hwnj aendomq bae, cai q gyaawnj gij saekboiq conzdungj aendomq Cingsih, gig ndaej canghseng’ei q gukrog gyaemzmaij.

Aendomq Cingsih geqlaux vih-neix cienz doh daengx guk, vanzlij hamjgvaq haijdah, byaijcoh daengx seiogyaiq, mingzdaeuz cienz doh daengx seiogyaiq. Moix bi cungj miz

haujai bouxhek dingq mingz daeuj Giucouh Cingsih youz, doengzseiz hix cawx aendomq Cingsih dangguh laex buenxfwngz.

Aeu dinfwngz siuq guh aendomq cienz hawj daih lwg daih lan

Seizneix, Vangz Siuhginz gaenq baenz bouxdinghgangj dinfwngz siuq guh aendomq Cingsih, bouxhek daeuj Giucouh youz da daih’it cungj dwg yawjraen “mehfwngzmbaeu Cunghvaz” geij cihsaw raiz youq gwnz gaiq benjbingzgya aen douranz de neix. Gangjdaengz aen mingzdaeuz neix, Vangz Siuhginz dauqngeix naeuz, bi 1994 ndwen 12, ndaw yienh miz cangh’ingjsiengq mizmingz ndeu daeuj Giucouh ingjsiengq, yawjraen gij domq ndei yawj gyaqciq Vangz Siuhginz siuq guh haenx le lwnh de gij doxgaiq neix aeubae camgya doxdax ndaej. Hoeng Vangz Siuhginz doi q baenzlawz camgya doxdax cungj mbouj rox saekdi, doeklaeng cangh’ingjsiengq ciengzsaeg gejnaeuz hawj Vangz Siuhginz rox, gij cozbinj camgya doxdax haenx aeu boux camgya doxdax bonjfaenh gag cauhyuh baenz, liuxle soengq bae daengz Baekging camgya bingzsenj.

Vangz Siuhginz nyinhnaeuz, neix dwg aen seizgei ndaej hawj daihgya roxyiuj aendomq Cingsih ndeu, ndigah couh ciepsouh cangh’ingjsiengq iucingj lo, gyaenj dwk siuq guh le aen domq 20 goengfaen ndeu, hawj cangh’ingjsiengq bang soengq bae Baekging camgya doxdax. Bi daih-ngeih, cozbinj aendomq Vangz Siuhginz ndaej ciengj, mbiengj cawjbanh lij fat mbawcingq “mehfwngzmbaeu Cunghvaz” hawj de dem, yungjdaeuj nyinh-cingq dinfwngz maenhndei de.

Vangz Siuhginz naeuz, dinfwngz de cungj son hawj lwglan de lo, gyoengq lansau iq de bouxboux cungj siuq guh ok aendomq gyaunde i gyaqciq ndaej. Caiqlix moix baez ndaw si cujci aen ban son dinfwngz siuq guh aendomq, Vangz Siuhginz cungj caennang daengz dieg son. Doiq aendomq ngoenzlaeng baenzlawz hwnghat roengzbae, Vangz Siuhginz cungj mbouj miz banhfap cuengqsim. Riengz dinfwngz siuq guh aendomq cienzboq, mbanj seiqhenz hix miz haujai mehmbwk hainduj hag siuq guh aendomq. Hoeng gyaqciengz aendomq ciuqyiengh lij dwg caeuq doenghbaez doxdoengz, seiz gisuz sui jbingz gyaep mbouj hwnj ginghci aeyungh demmaj riengjvai q, dinfwngz cocat couh bienqbaenz gij yinhsu mbouj ndei sienghaih caet-liengh aendomq.

Gij maqmuengh coglaeng Vangz Siuhginz dwg, caetliengh aendomq aeu daezsang, gij yunghcawq aendomq hix aeu lai yiengh, yienghneix cij ndaej hawj faenh dinfwngz daiqbiuj Cingsih neix riuzcienz roengzbae, riuz ndaej nanz ndaej gyaen vanzlij ndaej vunz-biengz sugrox, gyaemzmaij.